

近代中國史料叢刊續編第八十九輯  
沈雲龍主編

皇朝政典類纂  
席裕福輯  
沈師徐輯

國用一

文海出版社  
有限公司  
印行

近代中國史料叢刊續編第八十九輯  
沈雲龍主編

皇朝政典類纂  
席裕福  
沈師徐輯

國用二

文海出版社  
有限公司  
印行

近代中國史料叢刊續編第八十九輯  
沈雲龍主編

皇朝政典類纂  
席裕福  
沈師徐輯

國用三

文藻出版社  
有限公司  
印行

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



中華民國七十一年五月出版

近代中國史料叢刊續編

第八十九輯

精裝：十冊

定價：新台幣



主編者：沈

雲龍

發行人：李

振華

出版者：文海出版社有限公司

台北縣永和鎮中興街133巷8號

郵政劃撥戶第二七八四號

電話：九二一二六五九號  
三四一六九二八號

印刷者：東南印製廠有限公司

台北市西園路294巷15弄17號

經銷者：全省各大書局

行政院新聞局出版事業登記證局版台業字第〇四四九號

皇朝政典類纂

皇朝政典類纂卷一百五十四

國用一

節用躬行節儉

天命六年 上出獵時雪初霽恐草木之上浮雪濡濡乃擯其衣侍衛卜揚古及雅哈木從見而私語曰 上何所不有惜此衣耶 上聞之笑曰吾豈爲無衣而惜之但徒被濡濡無益且與其使此衣濡濡於雪何如留此鮮潔者賜汝等吾躬行節儉微物必惜正欲俾汝等效法耳 聖訓

天聰元年 上諭曰馬羸以備馳驅牛羸以資負載羊豕牲畜以供食用各有所宜非可任意宰殺嗣後自宮中暨諸貝勒以至小民凡祭祀筵宴及殯葬市賣所用牛馬羸驢永行禁止如有違禁用者被家人及屬員舉首將首人離主仍照所用之數追給首人牛豕額真及章京失察者罰鍰入官惟國家大宴仍用牛祭 太祖列祖陵寢照舊仍用大小牛隻至於諸貝勒大臣有牧牛多者亦須節用毋得妄殺自宮中諸貝勒以至小民凡祭祀筵宴及殯葬市賣止許用羊豕及雞鵝鴨等物務須加意牧養以期蕃息 聖訓

順治八年諭各處織造所以供朝廷御服賞賚之用勢不可廢但江寧蘇州杭州已有專設官員又差滿洲官并烏林人役督催不但往來糜費抑且騷擾遞朕心深爲不忍嗣後著停止差催陝西織造絨褐粧蟒殊屬無謂至買辦皮張之處亦屬煩擾著一併停止通考

時江西進額造龍碗奉 旨朕方思節用與民休息燒造龍碗自江西解京動用人夫苦累驛遞以後永行停止通考

十一年諭工部江甯蘇杭等處地方連年水旱小民困苦已極議賑則勢難周廣又恐國用不足朕用是惻然於中念織造衙門原供御服賞賚之用前此未能俱罷近聞甚爲民累夫民既苦賦稅又苦織役何由得安民既不安朕豈忍被服美麗不爲之所乎嗣後織造除祝冊誥勅等項著巡撫布政總解外其餘暫停二年爾部即行傳諭遵考

康熙二十九年大學士等奏曰前者 皇上以前宮殿樓亭門名開載一摺并 慈寧宮 靈壽宮乾清宮及老嫗數目摺子發出令臣等觀看並鈔錄存貯衙門又奉 諭旨朕以天旱欲省減宮人及所用器物詳加查察因自來未嘗有餘故不能再減爾等將故明宮中所用銀兩及金花鋪墊銀兩數目亦爲察閱臣等查故明宮內每年用金花銀共九十六萬九千四百餘兩今悉已充銷又查故明光祿寺每年送內所用各項錢糧二十四萬餘兩今每年止用三萬餘兩每年木柴二千六百八十六萬餘斤今止用六七八萬斤每年用紅螺等炭共一千二百八萬餘斤今止用百萬餘斤各宮牀帳輿轎花毯等項每年共用銀二萬八千二百餘兩今俱不用又查故明宮殿樓亭門名共七百八十六座今以 本朝宮殿數目較之不及前明十分之三至故明各宮殿九層基址墻垣俱用臨清甄木料俱用柁木今 禁中修造房屋出於斷不可已非但基址未嘗用臨清甄凡一切墻垣俱用尋常甄料所用木植亦惟松木而已臣等以所查各條并 皇上發下摺子合九卿詹事科道官員徧觀諸臣皆曰我 皇上百凡撙節儉約臣等向所共知但未能詳悉今觀事事減省至矣極矣

四十九年九卿等議覆參都御史屠沂條陳節儉一疏 上諭大學士等曰禁止奢僭而崇尚節儉極當於理



朕近查宮中人數 皇太后及朕所居正宮不過數百人較之明代宮人則減省多矣先是光祿寺供應宮中用度每年用銀七十萬兩有餘朕漸次節省不使濫溢一年止需七萬兩矣理藩院向來每年賞賜供應外藩賓客用銀八十萬兩今裁改浮費一年止需八萬兩矣戶工兩部前此每年所用錢糧其數過多今日一次奏開用過數目所需錢糧已極少矣朕用錢糧節省如是因臣民僭用妄費從前屢有禁約今若又行禁約徒有法令滋繁而已究無補於事也蓋法令非不詳盡皆由臣下奉行不善而然步軍統領順天府府尹地方該管官員果實心遵行何至如此乎 聖訓

陳康祺曰三藩未變以前 仁皇帝偶思營建時李文勳相國方掌邦計 上詢有項可動否公奏云戶部無可動之項事遂止未幾吳逆事起 上憂及帑項空虛公奏云戶部存項數用 上請以前語公正色云部帑原備緩急之需若平日耗於土木緩急將何支持 上頷之郎潛紀聞

雍正三年諭內務府今年京城附近地方雖雨水霑足然山東河南兩省尚未得雨進膳銷鑪宜為撤減著每日只用菜蔬二器餅餌二器滿茶二器用楹盛貯進御餘物一槩不用雍正內閣 上諭

四年諭諸王大臣等朕 皇考聖祖仁皇帝臨御六十餘年富有四海而躬行儉德撙節愛養以為保惠萬民之本此中外臣民所共知者從來宮中服御之具惟尚質樸無華至於古玩器皿之屬皆尋常及平等之物竟無一件為人所罕見可珍奇者此等事朕向來且不深知則外廷臣工又何從而知之朕即位後偶令內監將大內所有玩器稽查檢點並將避暑山莊等處歷年陳設之物其中可觀者皆取回宮中看來較朕藩邸所藏尚屬不逮益欽服我 皇考之至德卽此一節已超越前古矣雍正內閣 上諭

上以 聖祖仁皇帝東巡燬閣御用絨氈宣示廷臣諸王大臣等奏言 聖祖仁皇帝臨御六十餘年時時以愛惜物力崇尚儉素爲休養元元之本而 聖躬服御之物尤倍加撙節質樸無華歷久不易今臣等恭覽御前陳設之氈歷三十餘年尚潔淨完整崇儉惜物實從古未有請宣付史館以昭 聖德得 旨是東巡銀七年大學士等議奏易州天平峪 萬年吉地允協典禮奉 上諭大學士九卿等引據史冊典禮陳奏朕心始安一應所需工料等項俱著動用內庫銀兩辦理規模制度務從儉樸其石像等件需用石工浩繁亦勞人力俱不必建設著該部遵行雍正內閣 上諭

十二年 上諭大學士等朕於一切器具但取樸素適用不尚華麗工巧屢降諭旨甚明從前廣東曾進象牙席朕甚不取以爲不過偶然之進獻未降諭旨切戒今則獻者日多大非朕意夫以象牙編織成器或如團扇之類其體尙小今製爲座席則取材甚多倍費人工開奢靡之端矣著傳諭廣東督撫若廣東工匠爲此則禁其毋得再製若從海洋而來後此屏棄勿買則製造之風自然止息矣 聖訓

禮親王曰余聞內務府司員觀豫言查舊檔案雍正十三載中惟造風雲雷雨四神祠以備祈禱此外無營繕事禮親王錄

乾隆四十一年諭近日人情漸趨於華殊失瀟灑之意昨偶閱熊學鵬家入官物件內有珠繡蟒袍此必伊任巡撫時所辦或備而未進或進而未收俱未可定此等費工價而不適於用朕甚鄙之因卽以貴人並未留御猶憶 皇考時怡賢親王曾進珠繡黃褥當卽飭訓並 諭其過當朕遵守 家法宮中服御從不用及珠繡又如象牙織篋工巧近俗又不平滑使用遠不及尋常茵席之安適因亦擴而不用久有旨不許再進卽此亦

可知朕之好尚矣 聖訓

禮親王曰 高宗自奉儉約不許街市用金銀飾禁浙江組繡代以刻絲 御膳房日用 上屢加駁減

至末年歲用僅二萬金近侍告匱不顧也 禮學雜錄

嘉慶四年 諭內閣據琳靈奏盛京夏園行宮現已彫敝請捐廉修理等語夏園地方向來並無行宮乾隆四

十七年 皇考詣盛京謁 陵彼時侍郎德福始於該處添建行宮一所 皇考賞銀一千兩以為修建之費

仰賴 聖意即以該侍郎添建為非特因成事不說耳蓋滿洲舊俗遇巡幸行園駐蹕之處向俱攜帶氈廬帳

房隨處支立行營從無建蓋行宮之事所以習勞動而崇濟樸也況盛京為根本之地原因恭謁 陵寢用展

思慕非臨幸江浙等省可比尤應式遵前典永守 家風今夏園一處添建行宮復因年久加之修葺則將來

踵事增華凡蹕路經臨之處勢必概增行殿開著靡之漸忘勤儉之遺勞民傷財於風俗殊有關繫朕且不取

所有夏園行宮既經勸蓄即撤卸其木料甄瓦等項即留為盛京宮殿修理工程之用朕將來詣盛京謁

陵時該處宮殿亦祇須略為整理毋得彩飾見新致增華費並不許呈進貢件該將軍等當共體朕意 聖訓

十六年諭我朝 列聖相承敕幾勤政求莫求寧惟以民生休戚為念無逸知依從無崇尚浮侈之事朕實承

不緒惟日孜孜時以崇儉黜奢倡導寰宇以冀億兆阜康風俗淳茂萬世子孫皆恪守即向來歲時慶節

張樂設宴亦以酒醴笙簧惠洽臣鄰綏勸薄服百餘年來垂為典制其間日期儀節均有一定從未稍為增減

我 皇考高宗純皇帝八的萬壽為互古未有之鴻慶其時臚歡祝嘏尚經頒發 聖諭搗抑儀文務崇濟樸

前因朕五旬萬壽不敢仰同 皇考慶辰盛典因臣民之請止較常年略過燕饗以達下情不許民間廣陳獻

皇明文共賞 卷一百一十一 國用一 節用

三

樂巷舞衛欲誠以繁文縟節素非朕心所愉實屬有損無益每觀往史如前代之侈陳百戲賜酺旬朝方且心薄所爲引爲監戒況本年南河漫口下游被災各直省亦間告薄收朕軫念民艱肝腎莫釋卽值旬慶之年亦必將臚祝駉文概行裁抑儻朕稍忘民莫侈舉慶儀各大臣言官等必應上章切諫方爲愛君之道乃前日御史景德冒昧奏請欲於萬壽節令城內演戲設劇十日歲以爲例朕就業萬幾敦崇實政中外臣庶共見共聞景德竟敢以此言輕爲嘗試其視朕爲何如主耶本應於陳奏之日立予杖責發遣朕不爲已甚先交部嚴加議處茲部議將該御史照滿職例革職實屬咎無可寬景德著卽革職並發往盛京交觀明差遣派當苦差盛京風氣樸質俾景德在彼覽觀服習當自知其識見庸鄙愧慙無地也東華續錄

道光元年頒 御製聲色貨利論曰孔子曰放鄭聲書曰比頑童時謂亂風又曰不役耳目百度惟貞玩人喪德玩物喪志記曰姦聲亂色不留聰明淫樂惑禮不接心術由是觀之聲色之爲害大矣因思我朝定制皇子皇孫均於六歲入學讀書凡聖賢之所言自幼無不誦讀講肄以爲修身立志之本其奈終身抱道克己復禮者甚難蓋知之非艱而行之艱也在常人猶不可不檢束身心屏除聲色爲人君者尤當以禮自防毋爲所惑常人惑之害及一身人君惑之害及天下敬思朕受 皇考教育付畀深恩欽承 密諭必當力除此弊有損無增茲難於概行除卻者實朕之苦衷不能以言喻之也後世子孫若能體朕之心法朕之行成朕未竟之事道次無忘不邇聲色之論卽我大清萬世天下臣民之福也其後宮嬪御之制簡約詳明無庸復贅遵而勿改可也孔子曰百姓足君孰與不足百姓不足君孰與足宮中府中原屬一體非同士庶之私自蓄藏也故人君不可有私財有私財必有私事有私事必有私人有私人則不爲其所愚者鮮矣是以貨利之害尙小而立身

行政之害大矣我朝立法嚴明言利之臣立加貶斥惠民之政不惜帑金故任土作貢自古有之惟是行之既久未免世俗相因漸生侈靡要在爲人上者知稼穡之艱難力崇節儉返本還淳然節儉之風豈空言所能感化也務在身體力行概從樸實勿尙虛文卽尙應入貢者亦必察其義之所在定以限制不可稍存自奉之心在諂諛者必曰尋常之物非珠玉可比價廉值賤獨不思一絲一粟從何而出哉且由數千里而來以至遠於九重其費不知凡幾矣故省一分天下陰受一分之福於吏治民生不無小補哉至於亭臺苑囿夙有規模濶樸之風盡美盡備足以供幾餘遊憩其可復待經營乎書曰峻宇彫牆又曰惟宮室臺榭陂池侈服不可不引爲龜鑑也卽以當時而言每歲應修應理者卽不能及時措置何暇復有所加增乎設遇容悅之臣佞漁之吏多方獻諛取巧逢迎主意則必曰內廷之興造不同往昔今則自內發帑募夫並非勞民力傷民財而成之也此乃我大清萬世之罪人卽應立正典刑暴白天下試思府庫之藏來自何所耶變其名色分其出納又將誰欺乎嗚呼仍是吾民脂膏也設非 壇 廟宮室城郭官署又何忍以有常之費恣意消耗於無用之地耶我後世子孫若不遵循舊制縱欲無厭或有譏佞熒惑罔顧是非當時之滿漢大學士軍機大臣都察院堂官暨科道等卽持朕諭交章進諫若諫而弗納則爲君者甘爲祖宗之罪人臣工無與焉若不能犯顏強諫惟知自顧身家苟且旁觀尸祿保位則是自外生成爲萬世不忠之臣矣著將此諭交內閣軍機處都察院各錄一遵慎密存記特諭東憲謹錄

道光二十九年江西北九江關監督士魁奏製造圓琢瓷器名目件數得旨句除者十六項自本年永停燒造此冊發往九江關監督衙門作爲交代從前按節令按花文之鄙例再不能除些小事尙然如事可恨可惡之至

總之有用之物不嫌其多繁文世俗必當力屏初不在數十種瓷器也東華續錄

陳康祺曰 宣宗中年尤崇節儉嘗有御用黑狐端罩襯緞稍闊令內侍將出四周添皮內府呈册需銀

千兩乃 諭勿添明日軍機大臣入侍 諭及茲事自是京官衣裳不出風者十有餘年即潛紀聞

咸豐十一年諭內閣熱河避暑山莊停止巡幸已四十餘年所有殿庭各工日久未修多就傾圮上年我 皇

考大行皇帝舉行秋獮 駐蹕山莊不得已於各處緊要工程稍加葺治現在 梓宮已恭奉回京朕奉兩宮

皇太后亦已旋蹕所有熱河一切未竟工程著即停止 同治朝 聖訓

諭朕奉 母后皇太后 聖母皇太后慈旨諭知總管內務府大臣所有應行添製金銀器皿等件均有成例

惟念 列聖家法以節儉為天下先即民物豐阜亦當防奢侈之漸矧值四方多故物力維艱豈復容以宮闈

器用耗天下之財力此項金銀器皿除典禮攸關必須添製外其餘各項並著該管大臣詳駁辦理日後遇有

此等事件該管大臣等宜各仰體此意以力行節儉為要朕仰蒙 慈訓諄切實深欽感總管內務府大臣其

遵 諭行同治東華錄

又 諭御史鍾佩賢奏請崇節儉以裕度支等語朕奉 母后皇太后 聖母皇太后慈旨前經諭知總管內

務府大臣所有應行添製金銀器皿等件詳駁辦理該御史所陳甚合崇儉黜華之意況見在軍興日久度

支告匱供億輸將闕力竭興言及此即非食惡衣猶覺難安寤寐朕仰承 慈訓惟當躬行節儉何敢稍涉

紛華嗣後一切服御用物有可以節省裁撤者著總管內務府大臣隨時奏聞以副朕意同治東華錄

上奉 母后皇太后 聖母皇太后慈旨金八件著改用黃銅鍍金與轎什件等項著改用鐵鍍銀撤扇旗纛

金頂箸改用黃銅以昭節儉同治朝 聖訓

同治六年諭內閣鍾佩賢奏宮廷費用稍廣傳取稍多較前數年增至一倍等  
數一切用款酌從刪減以崇節儉 聖訓

八年大學士管理戶部倭仁奏本年二月準內務府行知各衙門恭查 大婚  
係四表觀瞻節儉始於躬行斯風化及於海內上行下效理固然也昔漢文  
之運用致兆民富庶天下又安明帝馬后服大練之衣史册傳爲美談此古  
模 列聖相承無不以儉勤爲訓伏讀 世宗憲皇帝聖訓朕素行不喜華  
朕撙節愛惜之心數十年如一日者人情喜新好異無所底止豈可導使爲  
帝御製慎德堂記亦諄諄以作無益害有益示戒 聖訓昭垂尤足爲法萬  
加增去歲借動部庫百餘萬兩 國家經費有常 宮廷之用多則軍國之  
任取求之便踵事增華而小民徵比鑿敲之苦 上不得而見也咨嗟愁嘆  
而痛痲在抱必有惻然難安者矣方今庫藏支絀雲貴陝甘徇氛猶熾直隸  
民氣未復入旗兵餉折減衣食不充兼他族偏處尤須預儲財用以備不虞  
之日也 大婚典禮繁重應備之處甚多恐邪佞小人欲圖中飽必有以鋪  
嚴斥之也夫制節謹度遵 祖訓所以檢身心崇儉去奢惜民財卽以培  
於所有應備之物力爲撙節可省則省可裁則裁總以時事艱虞爲念無以



天下實受其福矣 倭文瑞遺集

諭內閣朕奉 慈安皇太后 慈禧皇太后慈旨本日據倭仁奏大婚典禮宜崇儉以光聖德一摺皇帝大婚禮儀前曾諭令各該衙門先期敬謹豫備又恐應辦事宜或致踵事增華稍涉糜費特派恭親王寶鋆會同各該衙門堂官詳稽典章以杜奢糜而示限制皇帝大婚典禮攸關自不能不籌款辦理惟見在民生未裕軍務未平物力艱難正宜倍加愛惜前據該王大臣等奏稱乾清門外一切工程浩大業經諭令概行停止宮內止令稍加修葺以示樽節倭仁所奏與朝野愛民節用之心正相昭合著該王大臣及總管內務府大臣並承辦各衙門於一切應辦事宜凡有可以節省之處隨時會商奏明請旨酌量減裁並力杜中飽用副敦崇節儉至意 東華續錄

九年諭軍機大臣等忠誠奏奉派大婚典禮應用各緞匹請予展限一摺著准其展至年底解京以備應用其續傳紗地各件准其展至明年起解所需料工銀兩除已經落運兩庫撥解外著馬新貽再行籌款迅速撥解交忠誠製辦不得任意延宕第現在經費支絀尤當覈實樽節忠誠所估兩次傳辦各件銀兩共計至二十萬六千餘兩之多未免浮冒仍著悉心駁減以垂帑項 聖訓

又 諭內閣御史劉瑞祺奏請崇儉德以維風化一摺方今物力艱難民生彫敝允宜黜華崇儉力挽頹風屢經明降諭旨期與中外臣民力除浮靡諒已共見共聞茲覽該御史所奏各情尤宜倍加儆惕嗣後當益求樽節為天下先中外臣民亦應一體從儉戒奢毋蹈從前積習以副朝廷敦崇節儉至意 聖訓  
十年諭內閣本日據翰林院代奏編修謝維藩條陳時局艱危籲懇愛勤節儉並請減除公費撥賑災民編修



與大濫請飭停省典禮工費各摺片披覽之餘所陳均屬切當大婚典禮傳辦各事宜前於同治八年三月間業經降旨令各該衙門分別減裁停止方今西北軍務未平各省被災流民蕩析離居朝廷宵深軫念尤當憂勤節儉以裕民生所有大婚典禮現在並無續行傳辦之事其從前傳辦各項及一切工程即著各該衙門力求樽節毋稍糜費事竣覈實報銷不准稍涉浮冒直隸被災各屬疊經諭令直隸總督順天府尹妥為賑濟務當認真辦理實惠及民以副朝廷軫念災黎至意

聖訓

十一年以庫款支絀諭內務府力求樽節

東華續錄

十二年諭內閣御史沈淮奏請暫緩修理圓明園一摺現在帑藏支絀水旱頻仍軍務亦未盡戢朕躬行節儉為天下先豈肯再興土木之工以滋繁費該御史所奏雖得自風聞不為無見惟兩宮 皇太后保佑朕躬親裁大政十有餘年劬勞倍著而尚無休憩遊息之所以承 慈歡朕心實為悚仄是以諭令總管內務府大臣設法捐修以備 聖慈燕憩用資頤養但物力艱難事宜從儉 安佑宮係供奉 列聖 聖容之所暨兩宮 皇太后駐蹕之殿宇並朕辦事住居之處略加修葺不得過於華靡其餘概毋庸興修以昭節省

聖訓

十三年諭內閣前降旨諭令總管內務府大臣將圓明園工程擇要興修原以備兩宮 皇太后燕憩用資頤養而遂孝思本年開工後朕曾親往閱看數次見工程浩大非剋期所能蒞功見在物力艱難經費支絀軍務未盡平定各省時有偏災朕仰體 慈懷甚不欲以土木之工重勞民力所有圓明園一切工程均著即行停止俟將來邊境又安庫款充裕再行興修因念三海近在宮掖殿宇完固量加修理工作不至過繁著該管大臣查勘三海地方酌度情形將如何修葺之處奏請辦理

東華續錄

又諭內閣前降旨令總管內務府大臣將圓明園工程擇要興修嗣朕以經費支絀深恐有累民生已特降諭旨將圓明園一切工程即行停止並令該管大臣查勘三海地方量加修理爲朕恭奉兩宮 皇太后駐蹕之所惟現在時值艱難何忍重勞民力所有三海工程該管大臣務當覈實勘估力杜浮冒以昭撙節而恤民

類 嘉訓

御史歐陽雲奏臣前供職戶部伏見上月內務府 奏請令四川採辦錦緞綢等件二千九百餘疋查此項向由江浙三織造辦理四川並無辦過成案自同治四年以至十二年始行採辦六次光緒二年八月續請採辦經戶部奏請歸織造辦理內務府復於十二月仍請採辦已據四川督臣報解到府並據內務府 奏稱現在解到各款將次用竣而放項浩繁均關緊要等語臣竊思咸豐三年以後江南織造久虛然十餘年中尙無採辦及四川之事自同治四年始行採辦近則數漸增而爲期亦漸急臣敬維 皇太后 皇上躬行節儉爲天下先斷不以不急之需須有用之費或恐該府司員等假 宮庭之用不無支銷浮冒之處該大臣等亦無從查核合無仰請 飭下該總管大臣等督率司員將每年收支數目逐細查核分晰開單 恭呈 御覽以防浮冒而慎度支如實有不敷似可仍歸織造按大運之數補辦或經費不及即由四川督 臣籌款撥給免其採辦蓋四川採辦既無定價可循又運道艱難不如江浙之便臣亦知 宮庭之用自關 緊要即此採辦之數亦屬甚微但恐外間臣民未知其故或疑 上用之漸增所闕於 聖德者其大用敢 冒昧直陳 經世文續編

光緒二十七年諭朕稟承 慈訓常以躬行節儉爲天下先我 聖母皇太后平時節用愛人無微不至自上

駐蹕中宮延服御膳羞尤無一不極從兩省地方每日供億皆有定數諸事撙節力祛糜費聞此次起鑾  
回京沿途行宮供張早經傳知屏除華帳褻綵之屬均飭毋庸備辦自上用以至內監人等所需車馬數  
目皆開單親加裁核極爲減少 聖慈愛惜物力虛念民艱至於如此凡爾大小臣工更當體感興起各崇儉  
約庶幾上下交儉返樸還純至將來關路所經一切用費均已准撥正款原不至擾累民間惟修治道途等事  
終恐損及農田有勞民力朕仰體 慈懷深加軫卹允宜特沛恩施所有陝西河南直隸各地方凡係驛道經  
過之處應徵本年錢糧著加恩豁免如有業經徵收者准其流抵來年正賦各該督撫卽飭藩司刊刻謄黃先  
期頒行張貼俾眾咸知務期實惠及民毋任吏胥舞弊用副朝廷巡方布澤子惠黎元之至意 卹

兩江總督劉坤一湖廣總督張之洞條奏一崇節儉 昔春秋傳記衛文公之興國也農工商學諸善政  
無一不舉而首先者之曰大布之衣大帛之冠是知國家當多難之際創痛之餘欲求振興未有不以節  
儉爲先務者後世若漢晉隋唐宋之令主皆以儉約著稱遂興其國伏讀我 聖祖仁皇帝庭訓格言服  
繡納之衣無兼味之饌省宮女之數內殿一甌用至四十年宮闈一年之費只抵前明一月儉德昭垂遂  
以戡亂致治今京畿彫殘秦晉饑饉賠款浩大民生困窮以後更不知如何景象此時若欲挽回天意激  
勵人心非貶損實長力行節儉不可竊見自 兩宮西幸以來備嘗艱難力戒糜費今年又奉 明旨裁  
省例貢並戒蹕路虛糜仰見 聖心乾惕震恐此誠自強之基誠慮回京以後所司以相沿成例一切供  
奉仍照成規不能仰瞻 宸衷贊成盛德擬請 明降諭旨力行節儉始自 宮廷所有不急之務一切  
停罷無益之費一切裁減卽不能不興之工務從儉省核實內務府諸臣再有營私糜費者必重懲之並

請諭飭內外大小臣工務從節儉力禁奢華所有宮室輿服力求樸素應酬燕會勿得浮靡上官歲時之供億一概禁絕督撫巡閱學政按試以及一切馳驛過境之貴官要差所有舟車館舍廚傳供張嚴禁華侈不准需索騷擾寬於商民嚴於職官有違旨者上司立予糾參此不惟愛惜物力之心乃所以昭不忘憂患之意且不尙玩好則工無淫巧而併力於製造不崇侈靡則商輕成本而增多其贏餘官以儉而廉民以儉而足農多本宮則有用之貨物易銷工執正業則出口之利源日擴是不惟務本之常經抑亦取外之要策也恭讀 聖諭屢以臥薪嘗膽爲言夫欲天下四海見 朝廷實有臥薪嘗膽之志者必自三事始一曰儉二曰勤三曰破格三事之中惟儉最爲顯著而易行化臣民而阜財用其效亦最速必朝廷時有不忘在莩之心則國勢有轉否爲泰之望矣

右躬行節儉

國用二

節用樽節經費

順治十年戶部議裁折各錢糧款日以充國用一山東登萊巡撫宜裁一宣府巡撫宜裁以總督兼理一江寧杭州西安漢中駐防滿洲漢軍兵丁除草料口糧照例支給外每年多支米石應裁一直省應解本色顏料藥材等項除京師無從備辦者仍解本色外餘俱應折銀一工部錢糧除緊急營建外其餘不急工程及修理寺廟等項俱應停罷一戶禮工部製造等庫內監三百九十餘名應留數員餘盡裁革一在外當舖每年定稅銀五錢其在京當舖及各鋪宜仍令順天府查照鋪面酌量徵收一總督巡撫家人口糧應裁一州縣修理察院鋪陳家伙等項銀兩應裁一州縣備各上司朔望行香紙燭銀兩應裁一在外各衙門書吏人役每月給工食銀五錢應裁俱從之通考

康熙四十五年諭戶部國家錢糧理當節省否則必致經費不敷每年有正額蠲免有河工費用必能大加節省方有裨益前光祿寺一年用銀一百萬兩今止用十萬兩工部一年用二百萬兩今止用二三十萬兩必如此然後可謂之節省也通考

四十九年諭大學士曰明季事蹟卿等所知往往皆紙上陳言萬歷以後所用內監有在御前服役者故朕知之獨詳明朝費用甚奢興作亦廣一日之費可抵今一年之用其宮中脂粉錢四十萬兩共應銀數百萬兩至世祖皇帝登極始悉除之紫禁城內砌地甃橫豎七層一切工作俱派民間今則器用樸素工作皆現錢屬

慶明季宮女至九千人內監至十萬人飯食不能備及日有餓死者今則宮中不過四五百人而已明季宮中用馬口柴紅螺炭以數千萬斤計俱取諸昌平等州縣今此柴僅 天壇焚燬用之爾等亦知所謂馬口柴乎大學士等奏曰不但不知亦所未聞 上曰其柴約長四尺淨白無點黑兩端刻兩口故謂馬口柴又明季所行多迂闊可笑建極殿後階石厚數丈方整一塊其費不貲採買搬運至京不能昇入午門運石太監參奏此石不肯入午門乃命將石細打六十餘棍崇禎嘗學乘馬兩人執轡兩人牽鐙兩人扶鞦甫乘輒已墜馬乃責馬四十發苦驛當差馬猶有知識石何所知如此舉動豈不發曠總由生於深宮長於阿保之手不知人情物理故也通考

嘉慶十年諭內閣朕恭謁 祖陵駐蹕陪都八旗官兵等承辦道路及一切差使均能奮勉無誤前據富俊奏稱此次派出官兵整備馬匹路費等項每員借給一年俸銀每兵借給半年餉銀分作四季坐扣於二年內歸款但念該官兵生計多艱藉俸餉以資養贖若按限扣交未免倍形拮据茲據富俊奏稱該將軍衙門經理歲入溢餘銀兩歷有盈餘向係酌留辦公之項等語所有奉天官兵此次借支俸餉銀八萬六千三百五十九兩著先於溢餘銀項下分作二年照數撥還戶部歸款此內四萬六千三百餘兩著加恩免令官兵扣繳其餘四萬兩著分作十年於俸餉內扣還俾得從容歸款以紓官兵之力至富俊所奏邊外安設卡座官兵鹽菜木關習圍官兵路費副都統巡查各卡所帶官兵履覓馱馬等項及雜項費用等款每年約共需銀六千九百兩向係於官兵俸餉內坐扣支用茲著一體加恩准其按年於溢餘項下動用開銷該將軍等有此經費辦公極爲寬裕惟當督率所屬認真經理撙節支用期歸數實勿任浮濫尤不可以支款不敷再扣官兵俸餉致滋苦累

也 聖訓

十八年諭軍機大臣等新疆南北兩路自乾隆年間開闢以來設立駐防以資控馭地方邊關道路遙遠各路卡倫驛站繁費在所不免從前新疆經費係由內地撥解備用歲以爲常原難一時裁減惟思巴里坤烏嚕木齊已列爲郡縣南路各城回民歲輸貢賦亦比於齊民大率與內地無異其伊犁塔爾巴哈台兵丁亦多給與屯田該處自平定以來五十餘年人民日聚土地日闢今昔情形不同因時制宜亦宜量加裁定著傳諭松筠長齡將新舊南北各城及鎮西迪化二府州所屬每年出納大數通盤覈計其地利所產人力所生是否歲有增益不須取資內地者約有若干卽不能以該處歲入給該處之用但使經費歲有所減則於國用不無稍裨此事關係甚大總在松筠等公忠體國實心筆畫務爲經久無弊之策朕亦不責以近功速效也 聖訓

十九年諭從來兵制與國賦相權而行我朝建設各省營兵久有定額其小有損益亦皆就地方情形隨時酌定惟乾隆四十六年添補名糧額缺案內一時各省驟添兵六萬六千餘名爲數較多迄今三十餘年於武備無甚裨益而帑項已多用至四千餘萬前曾降旨令大學士軍機大臣會同兵部將增設名糧額數酌量汰減詳議具奏本日議上朕披覽摺內見在各省額兵六十二萬四千餘名較之雍正年間及乾隆四十六年以前所增實多自應酌加裁減惟各該省地方情形有今昔不同者亦當熟思深慮各就見在經制參考先後所設兵數汛防控制情形將應汰應留通盤籌畫庶餉不虛糜而兵皆足用著各省總督山東山西河南巡撫成都將軍河道漕運總督各將所屬標下各營及該撫提鎮協等營兵內每省可以汰減若干據實具奏彙交原議大臣再行駁議等奏除直隸安徽山東河南陝西甘肅六省及河東河標或兵額本簡或控制緊要難以酌減



外江蘇裁額兵三百六十五名漕標裁八十四名河標裁二十五名江西裁額兵一千八十三名浙江裁額兵七百二十八名福建裁添募暫設兵一千三百五十名馬五百六十四匹湖北裁額兵一千六百三十六名湖南裁額兵一千五百五十四名山西裁額兵一千八百六十五名四川裁額兵六百三十名廣東裁馬六百九十六匹廣西裁額兵六百三十名雲南裁額兵二千三百三十二名貴州裁額兵一千九百五十八名統計裁兵一萬四千二百四十名馬一千二百五十六匹每歲共節省餉銀二十七萬一千九百三十二兩有奇米三萬七千五百五十五石有奇從之東華續錄

又諭軍機大臣等那彥成奏查明每年春秋二差需費銀一摺並開單呈覽向來春秋二差車馬橋道等項例價不敷直隸省不無津貼但亦何至如該督所奏地方官需貼銀二十餘萬兩之多實屬大奇若按款鉤稽必致又興大獄矣詳閱單內所開浮冒等所不免直隸官吏藉辦差爲名以少報多那彥成不加詳查卽據以入奏殊屬糊塗冒昧著傳旨申飭其單內由該省自行支銷者著該督率同藩臬二司詳細參酌大加覈減以節浮費毋得仍前濫行支用至所開宮門支應一單其所列各件固有實係備用者而虛開者亦復不少卽所開炕桌四百張大小桌椅二百四十張半桌五十張此等器具若如天津五臺等處行宮係由地方官豫備陳設者自不能不置備器具若春秋圍附近行宮皆由內務府管理其中桌椅等項一切齊全何須地方官另爲置辦其所置桌椅多至數百張行宮屋宇無多亦無虛堆積其虛妄可知又如竹絲燈籠一千個火把一千根行宮內從不需用此物其餘類此者尙多大率皆大小官吏備以自用者亦一併列爲宮門支應尤屬不實朕已將此單發交總管內務府大臣查明刪減將必須備用者擇出覈定數目發交該省每次照數豫備將來差



次由地方官將所備物件點交內務府大臣官員驗收再由內務府大臣發交各等處太監支領總不得令太監等與地方書吏私自交收以杜流弊又據另片奏太監等隨從出外穀草米豆等項恐其自向街市購買與外間市僧間雜之人交往可否飭諭內務府大臣等將隨園太監應給穀米食物覈定數目由州縣呈交內務府大臣發給等語所見糊塗已極太監等給使內廷禁止與外人交接如差次向地方官吏需索食物什費或藉以交通熟識此則必應嚴禁若伊等尋常購買食物與市販等彼此交易則情事之常不得謂之交接卽如御園各處太監其日用所需原准其出福園門西南門自行購買並未加以飭禁若伊等偶食蔬果皆須向內務大臣代爲購備則繁細瑣屑成何體制況太監隨從出外賞給路費俸資食用設如那彥成所奏該太監等既領錢糧復令地方爲之代備供應有是理乎所奏斷不可行見在辦理太監小劉進喜差次需索一案順義縣知縣陳楷仁聽書吏濫給供應咎有應得雖據那彥成查明舊習相沿並非有心交結茲當整飭之時不能不加懲創已降旨將陳楷革職准其留於該省仍令幫辦差務如果辦差數次妥協無誤再由該督奏請開復其餘五年以內辦差各州縣人數太多著照該督所請查明同失察之總督藩臬奏明照例分別議處其密雲瑤亭濫支供給之書吏等仍遵照前旨確實查明照例治罪東華續錄

道光八年諭河工需費爲度支之大端近年例撥歲修搶修銀兩外復有另案工程名目自道光元年以來約共需銀五六百萬兩昨南河請撥修隄埝等項工需一百二十九萬又係另案外所添之另案而前此高堰石工以及黃河挑工耗費又不下一千餘萬之多果使河湖日有起色豈復靳此帑金惟常年所撥例項原爲修防搶險而設若一切修治得宜則不應險工新工層見疊出雖據該河督等於請帑摺內聲稱如有省存爲

下年工用亦未見實有節省向來河工積弊廳汛員弁總利於辦工卽如黃河坐灣迎溜之處時而鑿作掃段固有不得不然之勢然其間有不應鑿而妄施工段者尙不知其凡幾總不過爲開銷錢糧地步甚至溜隨掃斜對岸生險險生而工費迄無已時迨至失事則又指爲無工處所冀圖影射規避縱有應行賠修工段亦止先以帑項與賠項終無繳期在該河督等受恩深重具有天良或不至稍爲沾染豈能保工員之必無浮冒國家經費有常斷不容以如許帑藏供此漏卮前經降旨不得藉口另案名目任意虛糜嗣後該河督等務將年例撥解工需加意撙節如有應辦之工不能不假手廳汛員弁然總須責成該管河道各矢天良認真督辦有犯必懲該河督等亦應破除情面時加查察稍有偷減虛冒等弊該道徇隱不揭卽一併嚴參懲辦以期力挽錮習工歸實用經此次飭諭之後無論歲修搶修及隨時興舉要工仍不能工堅料實致令帑項虛糜或經朕訪聞或被人糾參定將工員河道及該河督等一併執法嚴懲不稍寬貸毋謂誥誡之不豫也東華續錄

十年諭軍機大臣等吳光悅奏改議江西巡河經費毋庸令府縣捐廉一摺江西南贛二府所屬廳縣緝捕經費前據修儀等酌議捐廉津貼朕以府縣所得養廉無多每年按缺幫捐難望其潔已奉公諭令另行籌議茲據該撫奏各府縣分捐銀兩將來更換有所藉口易滋流弊所有前議府縣捐廉之處著無庸議至巡河章程著仍照該撫前奏酌改俾節糜費以專責成其每年節省巡費及鹽務公項餘銀並巡撫司道捐項共銀一萬二千一百兩著照所請分別撥給南安贛州所屬廳縣仍將銀兩解存各府庫遇有應辦之案視獲犯之多寡按道路之遠近酌給覈實開銷嗣後務當認真妥辦不得令吏胥弊混徒飽私囊日久廢弛於捕務仍屬有名無實

聖訓

十二年諭據戶部奏自道光十年分以來陸續撥給各省軍需賑卹河工各項銀兩加以被災省分緩免錢糧並兩淮短徵鹽課統計一二年間多出少入已逾二千餘萬雖見在酌撥尙無支絀惟不能不先事豫防寬爲籌備等語國家經費有常自宜加意節用量入爲出著各督撫責成各藩司於一切工程河工及各項借墊雜支銀兩務須大加撙節覈實動用毋得任意開銷東華續錄

又諭軍機大臣等前據張井奏請撥大汛工需銀一百五十萬兩當交戶部速議具奏復降旨以國家經費有常令該河督極力撙節不可年年按時奏請習爲故事任聽工員因仍浮冒茲據奏自該河督調任後所有歲搶修及常年另案工程用款遞次減少惟上年江淮並漲堰圩等廳處處危險用項過多本年殘缺隄埝必須汛前一律趕修而此後清黃水勢消長更難逆料河庫已無存款不得不據實具奏等語河工歲搶修及另案用款每年該河督奏請朕無不飭部籌撥惟見當經費短絀之時若不隨時節省年復一年伊於胡底備將來無款可籌卽按年奏請朕亦不准如數動撥該河督務當恪遵前旨激發天良悉心籌覈於應辦各工可節省者隨時節省其不應辦者不可任聽工員恣憑爲開銷浮冒地步總期工無枉費款不妄開俾絲毫皆歸實用而嗣後歲撥銀兩漸次減省方爲實心辦事克副委任東華續錄

十九年申諭東南兩河撙節經費東華續錄

二十一年諭軍機大臣等戶部奏各省辦理軍需河工災賑一年有餘請撥銀兩已至二千一百餘萬之多除動用地丁鹽課爲稅外實撥內務府廣儲司及部庫銀七百三十萬兩請飭力求撙節等語國家經費有常自應量入爲出現在軍需河工災賑先後頒發帑金數已不少著各將軍府尹督撫及漕運河道各總督於必不

可緩之需力加撙節並嚴飭承辦各員毋許絲毫浮濫事竣覈實報銷嗣後遇有請帑事件務須妥爲籌畫不得聽所屬詳稟動輒據案聲請以致漫無限制其直省常平義倉存穀原備賑卹之用並著各督撫等體察情形嚴實散放毋庸概給折色銀兩以裕民食而期節用該督撫等受恩深重當此制用孔亟之時諒能仰體朕心分別緩急通盤籌度不致視爲誥誡虛文也 聖訓

二十三年諭軍機大臣等現在查出銀庫虧短至九百餘萬之多已飭在京各衙門將一切工程經費大加裁減因思東南兩河每年請領帑項爲數甚鉅本年若照常請領恐致支絀著慧成潘錫恩通籌全局體察情形嚴飭在工各員凡歷年估報各工遇有可裁減之處卽行覈實裁減固須隨時度勢無誤要工亦不可聽信各員藉工糜費現爲豫籌國用起見必須比較往年用項大加節省俟一二年後國用充裕再行照常請領該河督等受恩深重具有天良當必仰體朕心力求撙節也 聖訓

二十七年諭軍機大臣等本日據惟勤奏豫籌糧石並咨商採買以節經費又奏匯兌商民銀兩以備急需各工摺此次回匪滋擾調派官兵該都統業已將糧石等項妥爲豫備惟運腳需費甚繁咨商阿克蘇辦事大臣體察情形就近採買著卽照議辦理如該處採買尙不敷用再將現在籌備糧石迅速運往至烏嚙木齊庫貯銀兩無多所有豫籌口糧車駝等項支發著准其援照成案匯兌商民銀十萬兩卽著陝甘總督在於伊犁將軍奏撥烏嚙木齊銀兩內提出解交甘涼道庫暫貯以備商民給領惟現已停調關內之兵關外之兵亦有酌量裁撤之處該都統於一切籌備支發等項固不可稍有遲誤亦應先事籌畫加意撙節認真辦理如有贏餘卽著提回存貯勿謂業經奏撥必以全行用盡爲止 聖訓

三十年諭戶部議覆給事中王東槐奏停止捐輸籌畫倉儲並校舉耗財四害一摺各直省督撫有整理地方之責如果措置得宜一切悉臻妥協何至耗損經費至河務修防動款甚鉅近來銀價增昂工料多係以錢折算爲數本有盈餘尤應力求撙節州縣爲親民之官若不崇廉懲貪屬吏何從激勸陋規不裁則挾制之風不絕流攤不禁則虧那之弊不除著各該督撫及河道總督實心整頓於貪墨各員隨時汰黜務使吏治肅清地方靜謐庶屬吏咸知儆畏而經費不至虛糜其南河工用疊經嚴飭不准絲毫濫支東河事同一律並著該河督飭屬一體撙節辦理 咸豐東華錄

咸豐元年戶部會奏竊維自古理財之道不外開源節流二端開源之道必須有利無弊或弊少利多者方可舉行臣等旦夕思維未有良法可裨經費惟節流之道臣等隨事講求有以節制爲節者出納必求其實在也有以節省爲節者度支必戒其虛糜也是皆取 國家所自有之財而理之果能實力奉行積久自收成效謹將臣等籌議各條繕呈 御覽

一嚴駁上下兩忙已未完數目分別藩司功過以專責成也各省正雜錢糧經徵責在州縣督催責在道府而若駁解則其責專在藩司藩司果能破除情面於催科不力之員勒限徵解遇有已徵未解者查明即據實嚴參何致使州縣虧挪成爲積欠故必藩司功過分明而後錢糧可期起色查各省上下兩忙應徵正雜各項錢糧俱有定數向由各該省於每年上下兩忙截止後將已未完數目各奏報一次原以警情徵示駁實也乃邇來各省奏報上忙未完聲明於下忙再行駁計下忙未完亦僅云現在趕緊催徵迨至奏銷始將各州縣未完分數報初參而於二參屆限時州縣規避處分上司意存瞻徇大率陞調離

任延不開參節經臣部疊次奏催置若罔聞以致錢糧繁重之區州縣官有更易至數任題參至數次而積欠有增無減者此正供所以日絀也臣等再四熟商除州縣官未完分數仍令該督撫於題報初參後據實開送一參毋許濫就徇隱外藩司爲一省錢糧總匯若僅於奏銷時照督徵例隨同議處輕止罰俸重亦級紀足以抵銷蓋藩司考成合計通省其所欠銀數原不過一二分故處分較輕因之徵提不力拖欠積久成爲鉅款擬請嗣後各直省上下兩忙各於奏報到齊之日由臣部北檔房彙總分繕各省已未完分數簡明清單專摺具奏其未完省分各藩司請旨交部分別議處其掃數全完者亦應仰懇恩施量予議敘至議敘議處之重輕俟命下之日卽由臣部會同吏部酌定章程通行遵照庶免臨時歧異如此立示勸懲功過分明則各該藩司自必倍加愧勵於錢糧不無裨益矣再上下兩忙既由臣部彙奏則各省奏報不宜遲延應並請旨飭下各直省督撫奏報日期務於兩忙截止二月內具奏儘有逾限卽將該督撫照遲延例議處

一各省存贖款項宜按年按款抵撥以免牽混拖延也查各省應用款項或由本省留備或由外省協撥一款有一款之定額迨至奏銷餘贖應照例按款報撥方謂之實用齊銷乃近年以來各省習成疲玩遇存贖應撥之款輒藉口宕延甚且一任臣部行催付之不容現經臣等稽查登記冊籍江寧一省登記未經入撥者至六百餘萬兩之多國家自有之財豈容置之不理臣等公同商酌與其留此餘存而輾轉無著不如按款抵撥使款目分明卽如各省額撥俸餉一項內有建贖餘存甲年用贖之款乙年奏銷卽可抵撥丙年俸餉之類其餘文武官養廉滿營綠營等款遞年皆有存贖若新撥仍復取盈年復一年伊

于月底自應變通辦理以便旬稽大抵臣部旬稽之術宜用分分則有條不紊而外省牽混之弊由於合  
合則挪東掩西相應請旨飭下各督撫嚴飭各該藩司嗣後將本年奏銷實存餘贖各款即於本內聲  
明入於次年撥冊額給數內儘數扣抵以備實用由臣等督飭各司員將扣抵數目認真稽覈如有存贖  
不行列抵仍以定額朦混請撥者即據實嚴參庶款目爽若列眉無所容其牽混矣

一外省留支驛站款內餘贖銀兩宜提存司庫以補封儲也各省封儲銀兩原以備緩急不時之需不容  
擅動邇年以來因撥款不敷不得已而動及封儲以致現在殊多缺額臣等思京師與外省猶手足與腹  
心每遇部庫支未嘗不兼顧封儲時深焦灼急應籌補以期有備無患查各直省編徵驛站銀兩向由  
州縣留支有餘則解司報撥惟此項額編本寬是以留支多而實銷少每因提解不力漸至報撥少而虧  
挪多經臣等督飭司員覈計此項餘存每歲約有四十四五萬兩惟甘肅省扣儲司庫隨入撥冊湖南湖  
北兩省造入該年民賦奏銷雲南省實用實銷並無餘贖其餘各省多則數萬兩少亦數千兩雖疊次催  
令報撥而每以提解未齊藉詞延宕臣等公同商酌此項本係國家正賦即使散在州縣絲毫無虧不  
如提解司庫緩急有備現擬由臣部行令各督撫轉飭該藩司令各州縣於留支銀兩內除實銷若干外將  
餘贖銀兩儘數提解司庫以備封儲如遇地方緊要公事需動封儲銀兩仍按舊例奏明辦理不得擅行  
動用儻該藩司催提不力仍聽存留屬庫無論有無虧短即由該督撫據實嚴參以昭覈實而重帑項  
一嚴查外任交代以杜新虧也查定例新舊正署各官交代立限嚴辦遇有挪虧等弊接任官徇隱不報  
者照例題參如接任官已經詳報而上司不行揭參或徇庇舊任徇勒新任接受者處分亦極嚴明惟此



次清查章程後任雖經出結追賠仍歸本任原以各任俱有虧短不能不權宜辦理以期款項有著誠恐各省恃有新章或徇隱不報或徇勤接受視交代爲具文以致舊欠未清新虧又起臣等伏思現在甫經清查各省倉庫自有確數急應申明交代定例按任稽覈以杜新虧相應請 旨飭下各省督撫除清查案內按照分任追賠其清查以後各屬交代務遵定例遇有虧缺惟出結之員是問不得藉口前任虧挪致滋膠轕遇交代遲延挪虧濫抵等弊卽行嚴參毋許以造冊遺漏舛錯代爲掩飾再查官員陞調事隸吏部遇正署新舊迭更臣部欲按任跟查而苦案無據並請 飭下吏部於外省陞遷調補委署各缺題報到日卽知照臣部由臣等督飭司員按各省司道府州縣設立印簿隨時登載立卽催令冊報交代儻查有日期不符藉詞延宕及規避繕參處分等弊卽指名嚴參庶交代可以清查不致仍前虧缺矣

一甲米搭放折色宜復舊章全放本色以節庫支也查八旗甲米內三城半稜米一項每年共應放稜米九十三萬餘石前於道光二十八年因出產稜米之安徽等省被災稜米未能足額經臣部據案奏准自二十九年正月起於三成半稜米中改給一半折色每石以庫銀一兩三錢折給每年省米七十六萬五千餘石聲明一俟倉儲充裕卽由臣部奏請全放本色舊章在案查此項給放折色每年共需銀六十萬四千餘兩現在庫款支絀多一項之折給卽增一分之拮据而覈計存倉稜米雖未十分充裕尙可接續新漕無虞缺乏擬請自咸豐二年正月起將八旗甲米內三成半稜米全放本色毋庸再給一半折色期於庫帑兵糈兩無妨礙如蒙 俞允除正月應領旗分業已過檔俟開印後應令該旗出具印文咨部將折色補放本色外臣部卽行文各該旗及倉場衙門一體遵辦至來歲接放新漕稜米以後或贏或絀再



容臣等隨時體察情形奏明辦理

一緞疋庫現在物料分別應抵應停以惜物力也  
節者雖一絲一粟詎容妄費查臣部緞疋庫儲存  
完始將某項行令造辦然有各處額解之料未盡  
項積至二十萬餘疋之多每年支放在二千疋以  
因勢必終歸黝朽再查山東絹山西絹兩項現有  
有足支二三十年者有足支十年八年者亦有  
虛糜而物力亦虞暴殄相應請 旨飭下各該  
大臣向後行辦物料必須查明某項歲用若干  
其餘有可撙節之處容臣等隨時隨事上聞再  
帝躬行節儉歲常節省數萬金乃臣等查道光二  
計二十餘萬兩該省並不入撥是 先皇帝節儉  
等仰體 皇上克儉之孝思擬請以後織造每  
部庫以充經費而昭 盛德如蒙 俞允卽由  
一酌減營馬以務軍實也查會典內載京外官  
宜間有增減現計額馬減於舊者一萬五千五百